

IMAQARNILIAQ IN - Innarluutillit pillugit Siunnersuisooqatigiit 04-11-2021

Ulloq ataatsimiiffissaq Torsdag 04. november 2021 kl. 15:00

Ataatsimiiffissaq Ataatsimiittarfik 1, Kommuneqarfiup Allaffia

IMMIKKOORTOQ .: Imaqarniliaq

Inuit Innarluutillit pillugit Siunnersuisooqatigiit ataatsimiinnerannit imaqarniliaq

Piffissaq: Sisamangorneq 04. novembari - nal. 15.00-17.00
Sumi: Ataatsimiittarfik 1, Kommuneqarfiup Allaffia

Ataatsimiigiaqquneqartut:

Karin Pedersen Thorsen, siulittaasoq
Arnajaaq Lyngge, siulittaasup tullia
Lisa Nielsen, ilaasortaq
Cecilie Marie Jakobsen, ilaasortaq
Cecilie Victoria Schierbeck, Oqartussaaffeqarfimmi fagcheffi
Vivi Christiansen, Ataatsimut Innersuussisartoqatigiinni suleqatigiinni aqutsisoq
Riikki Grønvold, Atuarfeqarnermut immikkoortortami fagcheffi
Inge Olsvig Brandt, kommunalbestyrelsimut ilaasortaq
Sascha Winum Petersen, allatsi

Peqataasinnaangitsut:

Cecilie Marie Jakobsen, ilaasortaq

Oqaluuserisassat:

1. Oqaluuserisassat akuerineqarnerat
2. Kingullermik ataatsimiinnermit imaqarniliamik akuersineq – ulloq 27. septembari 2021
3. Ilisimatitseqatigiinneq
4. Inunnut innarluutilinnut siunnersuisooqatigiit suleriaasiat
5. Kommunip inunnut innarluutilinnut politikkaa pillugu Cecilie Victoria Schierbeck saqqummiussissaaq
6. Inuit innarluutillit pillugit Siunnersuisooqatigiit sulinissaannut ilaasortat anguniagaat
7. Ukiumut pilersaarutit
8. Taasariaqartut allat

Imaqarniliaq:

Ad. 1) Oqaluuserisassat akuerineqarnerat

Oqaluuserisassat oqaaseqarfiginagit akuersissutigineqarput.

Uunga tunngasoq 2) Kingullermik ataatsimiinnermit imaqarniliamik akuersineq – ulloq 27. septembari 2021

Siunnersuutigineqarpoq, oqaluuserisassat ataatsimiinnerup imaqarniliarineqarneranut ilanngunneqartarnissaat, imaqarniliallu immikkoortui Ad-mik allanneqartassasut. 1), Ad. 2) il.il.

Imaqarniliaq allatsimit iluarsineqarpoq kingornalu imaqarniliaq akuerineqarpoq.

Ad. 3) Iisimatitseqatigiinneq

a. Suliffeqarnermut Isumaginninnermullu Ingerlatsivik

Cecilie Schierbeck siunnersuisooqatigiinnut nalunaaruteqarpoq, kommunimi inunnut innarluutilinnut immikkoortoqarfiup inunnut innarluutilinnut immikkoortumut pilersaarut aamma inunnut innarluutilinnut politikki iluarsaallugit aallartikkai. Siunnersuisooqatigiinnut tusarniaassutigineqassapput.

b. Inuit innarluutillit pillugit kattuffiit

Arnajaaq Lyngø, Landsforeningen Autisme – Kalaallit Nunaanni immikkoortoqarfimmi ilaasortaasup oqaatigivaa peqatigiiffik massakut annikitsuinnarmik suliaqartoq, nutaamik siulittaasortaartussaanut pissutigalugu.

Lisa Nielsen kingullermik ataatsimiinnermi peqataasinnaasimangitsoq imminut ilisaritippoq. Inuit Innarluutillit pillugit siunnersuisooqatigiinni ilaasortaavoq aamma Kalaallit Tusilartut Kattuffianni (KTK) siulittaasuulluni.

c. Kommunalbestyrelse

Inge Olsvig Brandt siunnersuisooqatigiinnut nalunaaruteqarpoq, Kommuneqarfik Sermersuumi kommunalbestyrelse 2022-mut missingersuutit pillugit isumaqatigiissuteqartoqartoq. Inunnut innarluutilinnut tunngasunik suliaqarfiup 2022-mi One-door princip (tunngaviumik matu ataasinnaaq atorineqassasoq) immikkut pingaartillugu aallutissavaa, tunngavigineqartorlu siammarterlugu.

Ad. 4) Inunnut innarluutilinnut siunnersuisooqatigiit suleriaasiat

Inunnut innarluutilinnut siunnersuisooqatigiit ataatsimiinnissaq sioqqullugu Inunnut innarluutilinnut siunnersuisooqatigiisimasut suleriaaserisimasaat pissarsiarivaat.

Siunnersuisooqatigiit suleriaasiat misissorneqarmat, Inuit innarluutillit pillugit siunnersuisooqatigiit suleriaatsimi imm. 2 naqqiissuteqarfigivaat, tassani fagchefip taaguataa inersimasunik isumaginnittumiit Inunnut innarluutilinnut aamma tarnimikkut nappaatilinnut immikkoortoqarfimmi fagchefinngortinneqarpoq.

Taakku saniatigut kalaallisoortaanut naqqitassaqarpoq. Naqqiissutit Arnajaap allatsimit nassiutissavai, taassumalu iluarsissavai.



Suleriaaseq ataatsimiinnissami tullermi akuersissutigineqartussanngortinneqassaaq.

Ad. 5) Kommuni inunnut innarluutilinnut politikkaa pillugu Cecilie Victoria Schierbeck saqqummiussissaaq

Kommuni inunnut innarluutilinnut politikkaa Naalagaaffiit Peqatigiit innarluutilit pillugit Isumaqatigiissutaanik, taamani inatsisinik atuuttunik tunngaveqarpoq politikkilu tunngavinnik aamma immikkut pingaartillugit qitiutinneqartunik tunngaveqartinneqarpoq.

Kommuni inunnut innarluutilinnut politikkaa Inuit innarluutilit tapersorsorneqarnissaannut Inatsiartut inatsisaat nr. 13, 12. juuni 2019-imeersoq sioqqullugu pilersinneqarpoq, taamaakkaluartoq, naleqassusia eqqarsaatigalugu politikki inatsisillu ingerlaqatigiissinneqarsinnaapput.

Taamaattorli inatsisip nutaap atuutilernerata kingorna politikkip ilaa misissugassaavoq, assersuutigalugu ilinniartitaaneq suliffissaqarnerlu pillugit immikkut pingaartitassanut tunngasut.

Politikki immikkoortumullu pilersaarut iluarsineqarpata taakkua Inunnut innarluutilinnut siunnersuisooqatigiinnut tusarniaassutigineqassapput.

Ad. 6) Inuit innarluutilit pillugit siunnersuisooqatigiinni ilaasortat sulinissaminni anguniagaat

Siunnersuisooqatigiinnit kommunalbestyrelse naapikkusunneqarpoq, kommuni inunnut innarluutilinnut politikkaa aamma immikkoortumut pilersaarut oqaloqatigiissutigiumallugit. Inuit innarluutilit pillugit suliniaqatigiiffiit ilisimasaqarput aamma tunuliaqutaqarput misilittakkaminnik aamma suliasaqarfimmi ajornartorsutigineqarsinnaasunut ikiuussinnaasunik.

Inuit innarluutilit pillugit suliniaqatigiiffinnit taamaattoq uparuarpaat innuttaasut innarluutilit suliaannut akuutittarnissaasa qanoq pingaaruteqartiginera. Innuttaasut ilaasortaasuniit misilittagaqarnerusinnaapput, taamaattumik aamma oqaaseqarsinnaanerat periarfissinneqartariaqarpoq. Inuit innarluutilit pillugit siunnersuisooqatigiit innuttaasut qanimut naapikkusuppaat, assersuutigalugu kommuni sammisassaqaqtitsivittut aamma peqatigiittarnissamat neqeroorutaani Kammagiit-ni.

Inuit innarluutilit pillugit siunnersuisooqatigiit inuiaqatigiit innuttaasunik innarluutilinnik isiginnittariaasiat allanngortikkusuppaat. Siunnersuisooqatigiit innuttaasut innarluteqartut "nallinnartut" isigineqartarnerat allanngortikkusuppaat. Taarsiullugu innuttaasut immikkoortinneqartannginnissaat pillugu paasinninnissaq siammarterusunneqarpoq, kisianni imminnut ikiorsinnaasunngorlugit ikiorneqartarnissaat taamaalillutillu allat assigalugit inuiaqatigiinni akuusinnaammata. Inuit innarluutilit pillugit siunnersuisooqatigiit inuussutissarsiuteqartunik workshoppeqartitserusupput, tassani eqqartorneqarluni innuttaasut innarluteqartut suliffeqarfinni ilaatinneqarnissaat taamaaliornikkut innuttaasut innarluteqartut isigineqartarnerat allanngortinneqarsinnaammat.

Ad. 7) Ukiumut pilersaarutit

Inuit innarluutilit pillugit siunnersuisooqatigiit aalajangerput, ataatsimiittarnerit qaammatit pingasut allortarlugit ingerlanneqartassasut ataatsimiinnerillu qaammammi sisamannornerit aappaanni pingajuanniluunniit nal. 15.00-17.00 ingerlanneqartassasut.

2022-mut ukiumut pilersaarummut siunnersuut allatsimit suliarineqassaaq.

Ilaasortanit aalajangerneqarpoq tulliani ataatsimiinnissaq januaarimi 2022-mi pissaasoq.

Ad 8) Taasariaqartut allat

Soqanngilaq.

Inuulluaqqusillunga // Med venlig hilsen

Isumaginninnermut Suliffeqarnermullu Ingerlatsivik
Forvaltningen for Velfærd og Arbejdsmarked

